

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de  
Antverpiae, 1664**

§. V. Declaratur quo pacto, tuo statu contentus licet sis, possis nihilominùs  
incommoda tui status auertere, imo & statum ipsum quandoque cum  
feliori permutare.

**urn:nbn:de:hbz:466:1-13517**

que Dei, quæ in se peragit, sanctissimâ voluntate? Risum sane & cachinnos eam cogitationem, in dissecis vstulatisque corporibus, media inter Tyrannorum tormenta excitasse, dudum nouimus. Sed rara hæc sunt, & non nisi ingentis virtutis præmia. Quod si verò ea mentis cum Diuinâ conformatio, dolori tuo tantam vicissitudinem non faciat, vt penitus eum abstergat; illud certè experieris liquidò, non exorbitaturum mœrem tuum: quippe qui afflicturus sit in pondere & mensurâ: eosque tantum excitaturum motus, qui facile ad æqualitatem tranquilitatemque pristinam reducantur.

## §. V.

*Declaratur quo pasto; tuo statu contentus licet sis, possis nihilominus incommoda tui status auertere, imo & statum ipsum quandoque cum feliori permutare.*

31. **T**andem exponendâ est quædam difficultas, & in speciem non leuis, quam credo iam sæpius mentibus vestris obolutam. Id enim ita cum sit, omnibus nempe quæ in me, & circa me aguntur, etiam ijs qui naturam ipsam atterunt & fortunam labefactant doloribus, aut malis acquiescere debere me: illud illico in mentem venit, curam omnem me débere deponere, neque aduersa euitanda, neque verò procuranda quæ profint. Voluntati enim Diuinæ standum est, eique totum me debedo committere, tranquillus vt sim. Itaque si æger sum, medicinæ reiciendæ sunt mihi, ne si eas morbo adhibeam, præter voluntatem Dei valeam, ægrum esse me qui voluit. Minus longe filiorum, aut parentum, aut coniugis ægritudini mederi possum, cùm non nisi ex Dei mente valeant male; adeoque neque meis, neque alienis malis subsidium ferre potero, cùm nemo nisi ex Dei destinatione pauper sit, nemo miser. Quid si ergo domum flamma corripiat, an aquam restinguendis ignibus afferri patiar, quos scio, non nisi volente Numine, absūmere ea quæ contingunt & corripiunt? Inuolent ergo, vt publica tangamus, in Prouinciam infesti hostes, cuncta deuastent, & ruinam patriæ moliantur; certè complicatis manibus conspiciendum id est, nec arma

Y y 3 stringenda;

Exponitur  
difficultas

stringenda , ne Dei voluntati , cuius hæc omnia geruntur arbitrio, maleferiati nos opponamus. Rursus nec opes parandæ sunt mihi, nec domestica promouenda res, nec dignitates procurandæ, nec verò etiam vnum facinus heroicum audendum est , nec quidquam agendum virtutem quod commendet aut litteras; ne per hæc è statu, quo contenti esse debemus, ad altiorem euecti, aliud simus, quām quod nos Deus esse vult. Quin imò, nec scelerata poterimus auertere , nec criminibus modum ponere , nec æternæ damnationi quēmquam eripere, nemo enim nisi Dei voluntate inferni ignibus addicitur : tam sanctæ verò voluntati obfistere, nefas sit.

*Duplex in  
Deo volen-  
di modus  
sive volun-  
tas.*

*Prima au-  
tecedens.*

*Huic nū-  
quā potest  
resistit.*

*Altera  
subsequens.*

Multa hic congeruntur, quæ facile tamen erit componere, si duas , vt ita dicam , voluntatis species , ex Sanctorum Patrum Theologorumque omnium mente, in Deo esse attentè consideremus. *Absolutam & antecedentem*, primam vocant; *conditionatam & subsequentem* alteram indigitant ; & rectè , vt quæ conditionem positam subsequitur. Prima voluntas à se sola est , nullamque rationem habet cur sit, nisi seipsam. Hac vult Deus quemque vult, tantum quia vult , liberumque ei est velle. Hac voluntate voluit hunc mundum esse, hunc solem , hanc lunam, hos cælorum orbes , hunc ignis calorem , hoc aquæ frigus , & quidquid fert natura necessariò: rursus hominem mortalem esse, peccatores ignibus addici , in statu gratiæ decadentes æternis, & quæ supra naturam sint, præmijs condecorari. Antecedentis ea, & absolutæ in Deo voluntatis sunt decreta : nihil enim quod Deum ad tam ingentia condendum placita permoueret , antecessit. Voluit hæc quia voluit; & quia voluit, idcirco sunt. Huic voluntati sese opponere, aut impium est, aut certè temerarium. Impium est, nolle Deum decreuisse , exempli gratiâ , pijs æternam gloriam præstare, impijjs æternas pœnas; ignem verò manui applicare, & nolle ut adurat , est prorsus temerarium. Hac itaque voluntate Deus vult quidquid in rerum naturâ est, & ab ipsâ naturâ rerum dependet, aut sit.

Altera voluntas Dei conditionata est, & à libero Angelorum, Hominumque pendet arbitrio. rectèque *subsequens* dicitur , eo quod libertatem hominis subsequatur; nec quidquam vult, nisi postquam liberi arbitrij actus , Voluntati Diuinæ modum motumque posuit. Hinc licet voluntate antecedente decreuerit Deus,

Deus, sceleribus immortuos æternis flammis addicere, Iudam tamen damnare noluit, antequam tam infelicitate morte peritum cognosceret: mors autem tam infelix, ex Iudea per uitacis libero pendebat arbitrio. Ab hoc igitur Dei damnantis voluntas stetit: Iudeaque voluntatem impiam, consecuta cum sit eum damnandi in Deo voluntas, recte dicitur ignibus æternis addicitus impius, voluntate Dei *subsequentia & conditionata*, non vero *antecedente & absoluta*. Sic sane voluntate absoluta ignem vtere vult Deus; tuam autem manum iustulari non vult, nisi aut tu tuo, aut alius pro suo arbitrio, eam ignibus applicuerit.

34. Ne itaque id dixeris, nullius damnationem velle Deum, ad eo que sceleribus obseruere te non posse, ne voluntati Diuinæ obserutas. Non enim id vult, nisi voluntate subsequenti scelerata, & quam sclera ipsa quasi per vim Deo extorserunt; mauult enim Deus ea nolle. Certè mauult non esse crimina, per quæ solummodo fit, ut damnationem scelerati velit. Sic sane & iudicem videmus nolle cuiquam penas infligere, nisi postquam reorum facinora puniendo voluntatem expresserunt.

35. Huic ergo subsequenti & conditionata voluntati non possimus tantum sed & debemus fæpissimè nos opponere. *Debemus*, *Hoc sepe debemus*, quoties ipsa conditio, quætalem in Deo voluntatem induceret, *reflexere*, absurdæ est aut turpis, aut etiam multò magis si scelerata, quod quidem nimis est manifestum. Teneor enim cauere scelerata, ut *possimus* *verò semper quam diu pender* Dei mea scelerata punituri, subsecuturam voluntatem impediam, ut ne sit. *Possimus* autem eidem obseruere, quam diu pender conditio subsecuturæ voluntatis Diuinæ, neque nobis adhuc constat Deum id prorsus velle.

36. Neque enim si recte attenditis *subsequens* illa Dei voluntas, legem nullam homini imponit aut imperium. Quamuis enim Dei voluntas absoluta sit, ut ignis naturæ suæ relictus, proxima quæque adurat: & rursus, quamvis voluntate liberum tuum subsequenti arbitrium, manum tuam amburi velit, eam flammis si ingesseris; an tamen, manum flammis te ingerere, dices esse ex mente Dei? minimè quidem. Rursus, certum id est Deum velle mori te, si cibum nullum alendo corpori vis sumere; neque si æger es, curando medicinam. An ideo cibos omnes potes rejicare, medicinasque aspernari; & causari interea, Dei voluntatem esse mori te? Sine dubio pauperem egenumque te vult esse Deus,

Deus, rebus tuis si non attendis, si deses sis, si lucro honeste non attendis, si operi non instes, si omni rei domesticæ curâ abiectâ, res tuas abligurias. an verò voluntas illa desidem te vult, aut vil lam pigritiæ necessitatem imponit, aut res abliguriendi dat imperium? Quin imò contra, alia omnia voluntate absolutâ cupit Deus, imò & imperat. vult certè conseruari vitam, procurari filios & rem domesticam; peculij curam geri, eique conseruando per bonas artes allaborari.

Pendet autem conditio, quamdiu res non est peradīsa aut desperata.

At inquies, tandem erit aliquando voluntas Dei ut moriar, mortalis cum sim. Fateor; atque huic voluntati obsistere minimè possum, absoluta cum sit; neque possum nolle mortalis esse, aut nolle umquam mori; sic est. Verum cum re ipsa morime nolit Deus, nisi multæ conditiones præcoßerint, quæ quidem aut à malitiâ hominum iniustè me inuidentium, aut à negligentiâ imperitiâue medentium, aut à meâ incuriâ, aut etiam intemperie, alijsque aëris, aut loci, aut temporis, aut ciborum circumstantijs dependent; certè eas quantum possum, evitare, maloque debo medelam facere, ne mori me velit, voluntate circumstantias has subsequentes, Deus. Nam de voluntate eius absolutâ in me complendâ, minimè adhuc constat: conditio natam verò, licitum est, imò debo sàpè interuertere. Tam diu verò conditionata est mihi, quamdiu res penderet, quamdiu malum auerti potest, quamdiu se se aperit non absurdâ euadendi spes, aut quamdiu rei quam modestè expetimus, non est desperata consecutio.

Hinc sanè liquidò consequitur, quamdiu vita superstes est, 38. Dei voluntatem esse eam ut conserues, eaque adhibeas vitæ sustentandæ adminicula, quæ recta ratio naturaque ipsa, adhibenda docuerit. Quamdiu domus ardet; voluntas Dei est, vt igni extinguedo aquam congeras. Quamdiu causa in foro agitur; vult Deus ut vndique patronos conquiras, iusque tuum ut propugnes. Quamdiu opes suppetunt; honeste & laute familiam ut alas, mens Dei est. Quamdiu arma, viresque Reipublicæ ad manum sunt; arma stringi, & pro aris focisque decertari, prorsus est ex Dei voluntate. At verò cum perdita est patria, cum defluxerunt opes, cum lis cuicta est, cù domus deflagravit, cum morbo membra prostrata, tum vero voluntate absolutâ Deus vult rem sic esse, prout est.

Hoc

39. Hoc est, inquies, quod dicebam modò, igitur tum sanè cùm ægritudo corpus occupat, medicinam malo adhibere est nefas : etenim tum saltem voluntate absolutâ ægrum me vult esse Deus, cùm æger sum. Neque rursus si egenus sum aut plebeius, diuitias, aut dignitates consequi liceat, imo ne oblatas quidem admittere : egenum namque & plebeium esse mē vult Deus, egenus plebeiusque cùm sum. Capio quod opponis; verū necdum tu me capis. Fateor igitur, hodie sī lecto affigor, febrisque virgentibus toto corpore contremiscam, eam esse mentem Dei, vt hodie sic langueam: ei igitur acquiesco, ægri partes modò agam, quia modò id vult Deus. At quid scio an etiam velit Deus die crastino ægrotare me? fortè vult, forte etiam non vult, multū hic iuris habent conditiones, quas aut ponere aut non ponere, in libero est hominis arbitrio constitutum. Si namque medica-  
menta morbo leqando apta adhibuero, voluntas Dei subsequens erit, meliusculē vt habeam cras. Sic licet pauperem tē hodie ve-  
lit Deus, nec vllā dignitate ornatum, id certè ignoras qualem te post annum vōlet: id enim rursus à plurimis circumstantiis dependet, quarum multæ in manu tuâ sunt.

40. Id itaque sufficit, vt in quocumque demum dolore, aut mis-  
triis constitutus, absolutæ Dei voluntati acquiescam, approbem-  
que hodie talē me esse quod voluerit: curam tamen omnem  
adhiberi patitur, vt difficultatem illam imposterum euadam.  
Contendam itaque neruos omnes; sic tamen vt crastino die con-  
questurus non sim, si peractis omnibus, cras morbum illum aut  
molestiam non discussero; tum enim mentem Dei esse sciam, vt  
ægrotet etiam cras. Non tamen adhuc animos despondebo:  
cūm enim nihil mihi constet de perendino, rursus cras morbo  
in perendinum diem discutiendo medicinas conqueram; sic al-  
ter ibit & alter dies, imo & menses & anni: acquiescam semper  
molestiæ præsenti, quam patior; futuræ verò depellendæ quæram  
adminicula, idque quoisque res peracta non est, aut conclama-  
ta. Conclamata verò cùm res fuerit, conclamatam esse facile  
patiar, & mēi securus acquiescam Deo.

*Quāratiō  
ne quis pos-  
sit adhibe-  
re medicī-  
nam, &  
tamen cō-  
tentus esse  
quod sit &  
gor.*

*Exponitur  
clariss.*

*Applicatur  
tis homi-  
nū negotiis  
hec doctri-  
na.*

41. Atque ex dictis manifestum iam fit, quo pacto meo statu, et  
iam quem mihi proprium fecit Deus, contentus esse possim, &  
ea agere quæ ad maiores mihi opes, dignitatesque comparan-  
das gradum faciant, & verò etiam extolkunt. An nō id est statui

suo non acquiescere? minimè verò. Neque enim is re suā quamuis tenui, & modestā contentus non est, ad quem nihil tale meditantem aut opinantem, lauta ex insperato, amici benevolentia deuoluitur hæreditas. Non is paupertatem cum diuitiis commutat, sed mutatur. Aliud longè est velle mutare statum, & esse quod non es; aliud fauente fortunā à Deo in alium transponi statum, & fieri quod non es. Aliud est velle fieri diuitem, aliud diuitem fieri aut esse. Illud condemnat Apostolus, hoc verò Dei beneficium est; vt non anxiè nimiumū exoptandum, ita cùm obtigerit, reiiciendum minimè. *Diuitiae itaque si affluant, nolite cor apponere, vt i grauiter monet Psalmista, manus tamen apponite, vt eas cum gratiarum actione accipiatis; lāti cum affluxerint, non tamen magnopere turbandi, si Deo volente rursus effluxerint.* Itaque bene agite, res vestras prout ratio Deusque exigit procurate, mercimonia instituite; litteris operam date, virtutem domi militiæque explicate; ea agite quæ digna sint fauore & prämio; & si opes dignitatesque pro re bene actâ, Principum benevolentia, aut Republicæ consensu, affluxerint; scito te non statum mutare vos, sed vos in statu à Deo mutari, qui id tibi rebusque tuis conducturum censuit aliquod si statui tuo adiiceretur incrementum. Verùm cùm immutat fortunam Deus, magna tibi sit imprimis cautio, ne fortuna immutet te. Neque ita velis esse quod es, vt nolis si Deo sic videtur, rursus esse quod fuisti.

*Adinbela  
sunt negotiis  
procurandis me-  
dia, successus  
sive vero rei  
relinquendus Deo,  
cum appro-  
batio quis-  
cumque fuerit.*

Itaque vt tranquillō semper sis animō, etiam cùm totus in agendis rebus es, numquam de bono, fortunatoū rei quam prämanibus habes successū, multūm sis sollicitus. Tu adminicula cuncta summo studio confer, eaque ad rem quæ faciunt sedulus adhibe, euēntum verò rei, Deo relinque, approbaturus quidquid obtigerit. Illud ergo penitus vobis präfigite, perinde vobis fore siue causā cadatis in foro seu superiores euadatis; dignitas aut matrimonium quod ambitis, felicem habeat sivecessum an infelicem; lucrum mercibus succedat aut iactura; ægritudo ex æquo placeat cum bonâ valetudine; neque mors cùm obtigerit, magis displiceat quam concessa vita. Hæc inquam omnia, aliaque his non absimilia, dum animi æquabilitate complanaueritis, tum verò manu nō operi admoete, adminicula cuncta quæ recta ratio Deusque suggesterit, rebus vestris agendis conquirite: hæ ve-

42.

stræ partes sunt. euentum vero procuret Deus, & verò procura-bit is, è re tuā. Neque quid tandem tibi futurum sit anxius in-quiras. Dei id munus est & futura disponere, & vero etiam te ce-lare. Rectissimè dixit Poëta.

Horatius.

*Prudens futuri temporis exitum  
Caliginosâ nocte premit Deus:  
Ridetque, si mortalis ultra  
Fas trepidet. Quod adest, memento  
Componere æquus.*

Hoc tu age modò, quod à te modò requirit Deus. Futura componere Dei est, tuum vero componere præsentia, & præsentibus acquiescere. Quid igitur futuris tantopere angeris? quid de va-letudine futurâ sollicitus, quid de dignitatibus obtinendis totas noctes agitaris? quid filiorum futura conditio te excruciat? Quod adest, memento componere; compone inquam mentem tuam, in manu tuâ id est, futura disponere, non est. Permitte, itaque *Diu-nis cetera*, sed te ipsum præ cæteris permitte. Fortunam eluctari non potui; ita sit, bene est, factum bene: spe dignitatis acqui-rendæ excidi; ita sit, ita fieri debuit: fauor omnis interceptus est; factum bene; morbos superare non est datum; longè mihi melius est ægrotare me. Mors denique iam instat, neque ullâ arte eius potui tela superare; moriamur certè cum tempus est, numquam opportunius morituri, nihil habeo quod opponam.

Psal. 4.

*In manus tuas igitur commendo spiritum meum.*

## Zz 2 TRACTA-